

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 09 0 K 035249 20 K
Sarajevo, 29.10.2020. godine

U IME FEDERACIJE BOSNE I HERCEGOVINE

Kantonalni sud u Sarajevu u vijeću sastavljenom od sudije Igora Todorovića kao predsjednika vijeća, te sudija Sanje Jaramaz Dedić i Gordane Stojaković kao članova vijeća, uz sudjelovanje zapisničara Nuhanović Anele, u krivičnom predmetu protiv optuženog H.J zbog krivičnog djela ubistva u pokušaju iz člana 166. stav 1. u vezi člana 28. KZ FBiH odlučujući po optužnici Kantonalnog tužilaštva Kantona Sarajevo broj T09 0 KT 0151061 19 od 28.04.2020. godine, koja je potvrđena dana 05.05.2020. godine, nakon usvajanja sporazuma o priznanju krivnje, zaključenog dana 29.09.2020. godine između kantonalne tužiteljice Aide Turić i optuženog H. J. i njegovog branioca advokata Mehmedbašić Omara, te nakon održanog ročišta radi razmatranja sporazuma i rasprave za izricanje krivičnopravne sankcije predviđene sporazumom, dana 29.10.2020. godine u prisustvu Kantonalne tužiteljice Aide Turić, optuženog H.J i njegovog branioca advokata Mehmedbašić Omara, donio je i javno objavio slijedeću

P R E S U D U

OPTUŽENI H. J., zvani „J.“, sin ... i majke ..., rođene ..., rođen godine u S., nastanjen u S. u ulici ... broj ..., Općina ..., po zanimanju moler, po narodnosti ..., državljanin ..., oženjen, otac jednog mlđb. djeteta, osuđivan,

K R I V I E

Što je:

Dana 15.11.2019. godine, oko 16,15 sati, u Sarajevu, u ul. ... iza broj ..., Općina ..., na prostoru u blizini parkinga ispred kamp kućice, nakon kraće verbalne prepirke sa K. E., s namjerom da istog usmrti prišao mu držeći u ruci nož, svjestan da ubodom noža u predjelu grudnog koša, gdje se nalaze vitalni organi može usmrtiti K. E., što je i htio, pa je ubo K. E. u predjelu grudnog koša sa lijeve strane, kojom prilikom je K. E. zadobio tešku tjelesnu povredu, u vidu jedne ubodne rane u predjelu grudnog koša sa prednje strane sa prodornim kanalom u lijevo prsište sa prisutnosti krvi i zraka,

Dakle, s umišljajem pokušao drugu osobu usmrtiti

Čime je počinio krivično djelo Ubistvo u pokušaju iz člana 166. stav 1. KZ F BiH u vezi sa članom 28. KZ F BiH.

pa se optuženi H. J. na osnovu člana 43., člana 49., člana 50. stav 1. tačka b) i člana 51. stav 1. tačka b) KZ F BiH,

O S U D U J E

NA KAZNU ZATVORA U TRAJANJU OD 3 (TRI) GODINE I 6 (ŠEST) MJESECI

Na osnovu odredbe člana 57. KZ-a F BiH optuženom H. J. će se u izrečenu kaznu zatvora uračunati vrijeme provedeno u pritvoru počev od dana 15.11.2019. godine do upućivanja na izdržavanje kazne.

Na osnovu odredbe člana 78. Krivičnog Zakona Federacije Bosne i Hercegovine, optuženom H. J. se izriče sigurnosna mjera oduzimanja predmeta i to nož oduzet Potvrdom o privremenom oduzimanju predmeta MUP KS, Druga PU, PS Centar broj: ... od 15.11.2019.godine

Na osnovu odredbe člana 212. stav 3. ZKP-a F BiH oštećeni K. E. se sa imovinskopравnim zahtjevom upućuju na parnicu.

Na osnovu odredbi člana 202. stav 4. ZKP F BiH optuženi H. J. se oslobađa obaveze naknade troškova krivičnog postupka i isti padaju na teret budžetskih sredstava suda.

O b r a z l o ž e n j e

Optužnicom Kantonalnog tužilaštva Kantona Sarajevo broj: T09 0 KT 0151061 19 od 28.04.2020. godine, koja je potvrđena od strane sudije za prethodno saslušanje dana 05.05.2020. godine, optužen je H. J. da je počinio krivično djelo ubistva u pokušaju iz člana 166. stav 1. u vezi člana 28. KZ FBiH.

U toku vođenja postupka Kantonalno tužilaštvo Sarajevo dostavilo je ovom sudu sporazum o priznanju krivnje zaključen dana 29.09.2020. godine, između kantonalne tužiteljice Aide Turić i optuženog H. J. i njegovog branioca advokata Mehmedbašić Omara.

Prema zaključenom sporazumu optuženi H. J. priznaje krivnju za počinjeno djelo ubistvo u pokušaju iz člana 166. stav 1. u vezi člana 28. KZ FBiH, saglasan je da mu se utvrdi kazna zatvora u trajanju od tri godine i šest mjeseci, da mu se na osnovu odredbe člana 78. Krivičnog Zakona Federacije Bosne i Hercegovine, izrekne i sigurnosna mjera oduzimanja predmeta i to nož oduzet Potvrdom o privremenom oduzimanju predmeta MUP KS, Druga PU, PS Centar broj: ... od 15.11.2019.godine.

U daljem toku postupka sud je održao ročište radi razmatranja sporazuma o priznanju krivnje Na ročištu održanom dana 23.10.2020. godine, provjeravajući u smislu člana 246. stav 6. tačka b) i e) ZKP-a FBiH da li postoji dovoljno dokaza o krivnji optuženog, te da li je oštećenim pružena mogućnost da se izjasne o imovinsko-pravnom zahtjevu pred tužiocem, nakon što se optuženi izjasnio da su tačni svi

činjenični navodi iz optužnice, te da je izjavu o priznanju krivnje dao dobrovoljno i svjesno, kao i to da mu je prilikom potpisivanja sporazuma o priznanju krivnje ukazano za posljedice prihvatanja zaključenog sporazuma, da razumije da se sporazumom o priznanju krivnje odriče prava na suđenje i da ne može izjaviti žalbu na krivično-pravnu sankciju koja će mu biti izrečena, te da su mu jasne posljedice vezano za imovinsko-pravni zahtjev oštećenih kao i to da je obavezan na naknadu troškova krivičnog postupka, Tužilaštvo je uložilo slijedeće materijalne dokaze: Zapisnik o uviđaju MUP KS, Uprava policije, Sektor krim. policije, Odjeljenje za krvne, seksualne delikte i ratne zločine broj: ... od 15.11.2019.godine, Izvještaj o krim. tehničkoj pretrazi lica mjesta, MUP KS, Sektor krim. policije, Odjeljenje za krim. tehniku i forenziku Sarjevo broj: ... od 15.11.2019.godine, Foto dokumentacija MUP KS, Sektor krim. policije, Odjeljenje za krim. tehniku i forenziku Sarjevo broj: ... od 15.11.2019.godine, sa datumom izrade 22.11.2019.godine, Zapisnik o pretresanju osobe na ime H. J., MUP KS, Druga PU, PS Centar broj: ... od 15.11.2019.godine, Potvrda o privremenom oduzimanju predmeta MUP KS, Druga PU, PS Centar broj: ... od 15.11.2019.godine, u prilogu je smeđa koverta u kojoj se nalazi jedan nož, Zapisnik o privremenom oduzimanju predmeta MUP KS, Druga PU, PS Centar broj: ... od 15.11.2019.godine, Zapisnik o prepoznavanju osoba MUP KS, Sektor krim. policije, Odjeljenje za krvne, seksualne delikte i ratne zločine broj: ... od 27.11.2019.godine, Foto dokumentacija zakonskog prepoznavanja, MUP KS, Sektor krim. policije, Odjeljenje za krim. tehniku i forenziku Sarajevo broj: ... od 27.11.2019.godine, sa datumom izrade 30.11.2019.godine, Medicinska dokumentacija na ime K. E., KCU Sarajevo (Otpusno pismo na ime K. E. KCUS-Klinika za torakalnu hirurgiju i Specijalistički nalaz na ime K. E., KCUS – Klinika za torakalnu hirurgiju, broj zahtjeva ..., Specijalistički nalaz KCUS – Ambulantno poliklinički odjel, broj slučaja ..., klinika urgentne), Nalaz vještačenja povreda, stalnog sudskog vještaka Dr. Žujo Hamze od 06.12.2019.godine, Sudsko psihijatrijski nalaz i mišljenje stalnog sudskog vještaka iz neuropsihijatrije Prim. dr. Ćemalović Omera od 17.12.2019.godine, Izvod iz kaznene evidencije za H. J., MUP KS, Sektor krim. policije, Odjeljenje za krvne, seksualne delikte i ratne zločine Sarajevo broj: ... od 16.11.2019.godine, Izvještaj o izvršenom pretresanju lica bez naredbe, MUP KS, Druga PU, PS Centar broj: ... od 15.11.2019.godine, Službena zabilješka, MUP KS, Sektor krim. policije, Odjeljenje za krvne, seksualne delikte i ratne zločine broj: ... od 15.11.2019.godine, Naredba za sudsko medicinsko vještačenje po stalnom sudskom vještaku Dr. Žujo Hamzi broj: ... od 04.12.2019.godine, Naredba za psihijatrijsko vještačenje, po stalnom sudskom vještaku Prof. dr. Ćemalović Omeru broj: ... od 09.12.2019.godine, Zapisnik o saslušanju svjedoka K. E., MUP KS, Sektor krim. policije, Odjeljenje za krvne, seksualne delikte i ratne zločine Sarajevo broj: ... od 27.11.2019.godine, Zapisnik o saslušanju svjedoka P. I., MUP KS, Sektor krim. policije, Odjeljenje za krvne, seksualne delikte i ratne zločine Sarajevo broj: ... od 29.11.2019.godine, Zapisnik o saslušanju svjedoka P. S., MUP KS; Druga PU, Odjeljenje krim. policije Centar broj: ... od 15.11.2019.godine, Zapisnik o saslušanju svjedoka K. S., MUP KS; Druga PU, Odjeljenje krim. policije Centar broj: ... od 15.11.2019.godine, Zapisnik o ispitivanju osumnjičenog H. J. u Kantonalnom tužilaštvu Kantona Sarajevo broj: ... od 16.11.2019.godine, Rješenje Kantonalnog tužilaštva Kantona Sarajevo o naknadi troškova stalnom sudskom vještaku dr. Žujo Hamzi od 16.12.2019.godine, Rješenje Kantonalnog tužilaštva Kantona Sarajevo o naknadi troškova stalnom sudskom vještaku prim. dr. Ćemalović Omeru od 23.12.2019.godine.

Nakon što je sud prihvatio sporazum o priznanju krivnje, prešlo se na iznošenje završnih riječi, kojom prilikom je Kantonalna tužiteljica izjavila da se Tužilaštvo prilikom zaključenja sporazuma rukovalo činjenicom da optuženi priznaje počinjenje krivičnog djela na početku glavnog pretresa čim doprinosi ekonomičnosti i efikasnosti istog da izražava kajanje za počinjenje koje činjenice je tužilaštvo cijenilo kao olakšavajuće okolnosti, dok otežavajuće okolnosti je cijenjena ranija osuđivanost optuženog. Tužilaštvo smatra da će se predloženom sankcijom ostvariti svrha kažnjavanja kao specijalne tako i generalne prevencije.

Branilac optuženog, advokat Omar Mehmedbašić je izjavio da se pridružuje završnoj riječi tužilaštva, te moli da se oslobodi obaveze plaćanja troškova kao i da se ukine mjera pritvora optuženom.

Optuženi H. J. je u završnoj riječi izjavio da se pridružuje završnoj riječi svog branioca.

Da je optuženi H. J. počinio krivično djelo ubistva u pokušaju iz člana 166. stav 1. u vezi sa članom 28. KZ FBiH u vrijeme, mjestu i na način kako je to opisano u optužnici proizilazi iz Zapisnika o uviđaju broj: ... od 15.11.2019. godine, Odjel za krvne, seksualne i ratne zločine MUP-a KS u kojem je konstatovano da je istog dana oko 16,30 sati, telefonskim putem od strane Security KUM-a UKCS obaviještena II PU, PS Centar, da je na KUM dovezeno muško lice sa povredom grudnog koša i da je ista najvjerovatnije nastala od uboda nožem i da je lice najvjerovatnije povrijeđeno u ulici ... iza broja ..., općina Nakon navedenog na KUM UKCS upućeni su policijski službenici II PU, MUP-a KS, koji su dolaskom u prostorije KUM-a došli do saznanja da je povrijeđeno lice K. E., sin ..., rođen godine u S.. Dolaskom na lice mjesta uviđajna ekipa je konstatovala da se navedeni događaj desio najvjerovatnije na parking prostoru ispred kamp kućice u ulici ... iza broja Kriminalističko-tehničkim pregledom lica mjesta, na crnom gumenom otiraču ispred kamp prikolice pronađen je jedan trag smeđe boje koji asocira na krv, te nisu uočeni drugi tragovi koji bi ukazivali na navedeni događaj. Istog dana u prostorijama KUM-a bolnice Koševo uviđajna ekipa je izuzela odjeću K. E. , jednu crnu majicu kratkih rukava i jednu svjetlo sivu majicu dugih rukava, sa tragovima crvene boje koji asociraju na krv.

Iz Zapisnika o saslušanju svjedoka K. S., MUP KS broj ... od 15.11.2019. godine, proizilazi da se svjedok dana 15.11.2019. godine oko 16,00 sati nalazio u svojoj vulkanizerskoj radionici „Cavallino“ koja se nalazi u ulici ... broj ..., općina ..., te da je otišao do WC-a koji se nalazi u haustoru zgrade izdvojen od njegove radionice. Dok se nalazio u WC-u čuo je neku galamu, kada je izašao iz WC-a ispred radnje je zatekao od ranije mu poznata lica P. I., P. S. i J. H. i njegov pomoćnik M. S., te je uočio raspravu između P. I. i P. S., kada im prišao P. S. mu se obratio riječima: „Zašto daješ alat drugima, a meni ne daš“, na šta mu je svjedok odgovorio da nikome nije davao alat, niti da zna šta se desilo između njih dvojice jer nije bio tu, a potom je P. S. nastavio da galami. Nadalje proizilazi da je svjedoku P. S. rekao da su se lice koje on poznaje samo po imenu Emin i lice po imenu P.I posvađali, te ga ponovo pitao zašto im daje alat, na šta je svjedok odgovorio da ne daje alat nikome i da im ne može ništa što su se oni posvađali, jedino da pozove policiju i da oni to rasprave sa policijom. Nakon toga je J. uhvatio S. pod ruku i njih dvojica su otišli u pravcu iza parkinga iza zgrada. Minut-dva nakon toga svjedok navodi da je zapalio cigaretu i krenuo do parking prostora gdje se nalazi kamp kućica u kojoj boravi P. S. kako bi istom rekao

da ga više ne uznemirava pred radnjom, odnosno da mu ne galami jer mu tu dolaze mušterije i da je to štetno za njegov posao. Dok se kretao prema kućici naišao je njegov prijatelj K. E., kojeg on zove M., te ga isti upitao gdje je krenuo, na što mu je on odgovorio da je krenuo do kućice P. S. kako bi mu rekao da ga više ne uznemirava na način da galami pred njegovom radnjom i njegov prijatelj M. je pošao s njim kako bi i on popričao sa P. S. da se dogovore da ne galami više pred njegovom radnjom. Kada su njih dvojica došli ispred kućice P. S., vrata iste su bila otvorena, a u istoj je sa desne strane sjedio J. H., a lijevo na krevetu je sjedio P. S., gdje se svjedok obratio P. S. riječima „Daj ba S. pusti više, jebem mu galamu, šta ja imam s tim ljudima“, da bi mu S. odgovorio riječima „Ti meni hoćeš da zoveš policiju“, na što mu je isti rekao da nije mislio na njega nego da to rasprave oni koji su se svađali ispred njegove radnje. Nakon toga je K. E. prišao vratima kuće i obratio se S. riječima: „Evo S. tvoje radnje, galami ovdje koliko hoćeš, nemoj da galamiš tamo pred radnjom čovjeka, jer on od toga živi i tjeraš mu mušteriju“, nakon čega se K. S. odaljio, a P. S. je počeo da nepovezano govori M. kako S. daje alat drugim licima a njemu ne da. Svjedok je izjavio da je nakon toga čuo M. kako se normalnim tonom obraća H. J.: „Ti ba šuti, tebe ništa nisam pitao“, te je čuo da M. govori: „Jesil to nož potegao na mene“, što isti nije vidio jer je bio okrenut na stranu. Kada se okrenuo prema kućici vidio je da je M. bio odaljen od kućice nekih desetak metara, a iz iste je izlazilo lice H. J. sa nožem u ruci, te je pobjegao sa strane kućice i vidio je na izlazu iz parkinga u prolazu svog prijatelja M. kako unazad ide prema izlazu iz parkinga, te je u tom trenutku P. S. stao ispred njega od kojeg on nije mogao vidjeti šta se dalje dešavalo. Tada mu je P. S. rekao „Opet belaj, šta će meni ovaj belaj“, na šta mu je S. govorio da pusti da vidi šta se dešava, gdje je ko, nakon čega se P. S. sklonio, ali na parkingu više nije vidio nikoga, pa je S. otišao u radnju. Iz radnje je putem telefona pozivao M. koji mu se nije javljao na telefon, pa je pozvao svog prijatelja Č. S. kojem je ispričao šta se desilo i da ne može da dobije M. na telefon, nakon čega je Č. S. došao dok njega u radnju gdje su neko vrijeme pokušavali da dobiju M. na telefon, ali nisu uspjeli, te ga je kasnije Č. S. obavijestio da je njihov prijatelj K. E., zvani M. na KUM-u jer je povrijeđen. Sve vrijeme nakon događaja isti je bio u radionici i kasnije su došli policijski službenici kojima je rekao šta se dogodilo.

Iz Zapisnika o saslušanju svjedoka P. S., MUP KS broj ... od 15.11.2019. godine, proizilazi da je svjedok izjavio da se on dana 15.11.2019. godine, oko 16,00 sati nalazio na parkingu u kamp prikolici kada je došao B. E. i rekao mu da ga je istukao P. I., nakon čega je uzeo drvenu nogaru od stola i uputio se prema vulkanizerskoj radnji „Cavallino“, čiji vlasnik je K. S., te je isti krenuo za njim i uočio da se B. E. raspravlja sa P. I. na način što su jedan drugome upućivali prijetnje. Dok se nalazio ispred vulkanizerske radnje obratio se K. S., zašto je P. dao motirač za gume da se biju E. i P., a njemu ne posuđuje alat, te što je dopustio P. da uzme montiraš, nakon čega je on otjerao P. I. koji se uputio ulicom Alipašina prema svojoj kući. Potom se on vratio u svoju prikolicu i sjeo, a isprede prikolice na klupi je sjedio H. J.. Nedugo zatim je došao K. S. i K. E. zvani M., te se potom obratio S.: „Što nisi zvao policiju“, na što je on rekao: „Nije ništa bilo i sve je OK“, a u međuvremenu je M. pričao sa H., koji je bio u vidno alkoholisanom stanju, da bi u jednom trenutku vidio kako se J. H. i M. naguravaju, a potom da je J. H. izvadio kuhinjski nož, te je istim krenuo prema M. koji se povlačio prema prolazu, nakon čega su mu nestali iz vidokruga. Nakon nekoliko trenutaka isti je krenuo prema S. radionici kako bi vidio gdje su J. H. i M., kada mu je S. rekao da je M. izboden i da je otišao prema D. A. do kojeg se on odmah uputio, te mu je A. rekao da M. nije dolazio do njega i da je čuo sirene Hitne pomoći

koje su najvjerovatnije otišle po M.. Nadalje proizilazi da je isti otišao u bolnicu da bi vidio u kakvom je stanju M., ali mu doktori nisu dozvolili da ga vidi, pa je otišao kući, nakon čega ga je pozvala policija, te je pristupio u PS Centar.

Iz Zapisnika o saslušanju svjedoka oštećenog K. E. od 27.11.2019. godine, proizilazi da je dana 15.11.2019.godine, dok se nalazio u ul. ..., u neposrednoj blizini auto-kamp kućice vlasništvo P. S., prisustvovao svađi između P. S. i S., vlasnika vulkanizerske radnje koja se nalazi u ul. ..., da se on u jednom momentu obratio P. S., rekavši mu da ne galami i da pokuša mirnijim tonom da riješi nesuglasice sa S.. Dok se obraćao P. S., njemu je bez ikakvog razloga i povoda prišlo jedno lice, krupnije tjelesne građe i udarilo ga nožem u predjelu prsa, te mu ponovo prišlo to lice i pokušalo ga ponovo zboosti, ali je on njegove pokušaje eskivirao. U tom trenutku isti nije shvatio da je zadobio opasnu povredu, sve dok u jednom momentu nije osjetio gušenje u prsima i dok nije vidio krv, kada je izašao na ulicu i zaustavio prvo auto koje je naišlo i odvezao se u bolnicu Koševo, gdje je podvrgnut operativnom zahvatu i gdje su mu konstatovane povrede opasne po život.

Iz zapisnika o prepoznavanju osoba od 27.11.2019. godine proizilazi da je svjedok oštećeni K. E.kao izvršioca krivičnog djela prepoznao tada osumnjičenog H. J..

Iz Izvještaja sa službe, a u vezi propraćaja stepena povreda za lice K. E., MUP KS, II PU, PS Centar od 15.11.2019. godine proizilazi da je u obavljenom razgovoru sa K. E. isti izjavio da je ubodne oštrim predmetom, vjerovatno nožem u predjelu grudnog koša od strane NN muškog lica koje lice je imalo kačket na glavi, a iz Izvještaja sa službe a u vezi propraćaja stepena povreda za lice K. E., MUP KS, II PU, PS Centar od 15.11.2019. godine, Potvrde o zdravstvenom stanju pacijenta kojem je pružena zdravstvena usluga/hospitalizacija na Kliničkom centru Univerziteta u Sarajevu na obrascu ... na ime K. E. KCUS, KUM od 15.11.2019. godine, Službene zabilješke MUP KS, Sektor krim. policije, Odjeljenje za krvne, seksualne delikte i ratne zločine broj: ... od 15.11.2019. godine, te medicinske dokumentacije: Prijemnog lista na ime K. E., KCUS, Klinika za torakalnu hirurgiju od 15.11.2019. godine, Specijalističkog nalaza na ime K. E., KCUS, Klinika za torakalnu hirurgiju, Ambulantno poliklinički odjel od 15.11.2019. godine, Specijalističkog nalaza na ime K. E., KCUS, Klinika za urgentnu medicinu, Ambulantno poliklinički odjel od 15.11.2019. godine, nalaza i mišljenja na ime K. E., KCUS, KUM, Ambulantno poliklinički odjel od 15.11.2019. godine, nesporno proizilazi da je oštećeni K. E. dana 15.11.2019. godine primljen u KUM kao hitan slučaj sa teškim tjelesnim povredama opasnim po život, da je hospitaliziran, da je povreda nastala ubodom noža u lijevu stranu grudnog koša, da se isti nalazi na intenzivnoj njezi, sa preliminarnim nalazom: ubodna rana parasternalno lijevo u neposrednoj blizini arterije mamarie interne, ispred vene inominata manji hematom koji okružuje i mamriju interno lijevo, pluralni izliv u lijevom prsištu širine do 26 mm.

Iz Službene zabilješke MUP KS, Sektor krim. policije, Odjeljenje za krvne, seksualne delikte i ratne zločine broj: ... od 15.11.2019. godine, proizilazi da je ista sačinjena povodom obavljenog razgovora sa K. E. u kojem je isti izjavio kako je dana 15.11.2019. godine, oko 16,00 sati, došao u ulicu ... gdje se uputio prema vulkanizerskoj radionici u kojoj radi njegov poznanik S. kojem on ne zna prezime. Nakon kraćeg razgovora S. mu je rekao da odu do parkinga i kamp kućice gdje boravi P. S. kako bi razgovarali oko nekog verbalnog konflikta koji se desio taj dan i tada su

isti otišli do te kamp kućice, gdje se nalazio P. S. koji je otvorio varat kamp kućice i počeo da razgovara sa S.. Nakon kraćeg razgovora iz kamp kućice je izašlo lice kojem on ne zna ime, ali ga poznaje iz viđenja i njega bez ikakvog povoda i razloga ubada nožem u predjelu grudi. Po izjavi K. E. kada je vidio da je uboden nožem udaljio se kroz prolaz gdje ulazi u pmv njemu nepoznatih ljudi koji su ga odvezli u bolnicu gdje mu je pružena ljekarska pomoć. Na upit da li bi mogao opisati lice koje mu je nanijelo povrede i da li ga poznaje od ranije, K. E. je izjavio kako on ne zna ime od lica koje mu je nanijelo povrede, ali da istog zna iz viđenja i da bi ga mogao prepoznati, pri čemu je napomenuo da je predmetno lice visine oko 187 cm, krupnije tjelesne građe, da je na glavi imao kačket, te se sjeća da je na sebi imao jaknu crno-žuto-crvene boje.

Iz Zapisnika o ispitivanju osumnjičenog H. J. u Kantonalnom tužilaštvu broj: ... od 16.11.2019. godine datog u prisustvu branioca, proizilazi da je dana 15.11.2019. godine u popodnevnom satima otišao kod svog prijatelja P. S., koji živi u kamp kućici koja se nalazi u ulici ... iza broja ... i koji ga je prethodno pozvao kako bi mu pomogao da počisti neko lišće u blizini i tada mu je isti dao novac da ode da kupi pive. Kada se nalazio kod P. S. u kućici došao je E., čije prezime ne zna tačno i tom prilikom se E. žalio P. S. da ga je pretukao P. I. i da se P. trenutno nalazi u vulkanizerskoj radnji koja se nalazi u toj ulici Osumnjičeni je izjavio da je rekao P. S. da se on ne miješa i da ne pravi probleme, ali ga on nije poslušao i krenuo je prema toj vulkanizerskoj radnji, a za njim sam pošao i J.. Kada su došli do te vulkanizerske radnje koja je udaljena možda nekih 100 metara od P. S. kućice nastala je svađa između P. S. i S. koji je gazda te vulkanizerske radnje, kada je u jednom momentu S. uzeo telefon i nekom se žalio na P. S. i tražio pomoć. Nakon toga, osumnjičeni se sa P. S. vraća u kamp kućicu do koje ubrzo dolazi lice koje mu je poznato od ranije poznato i kog zna po nadimku M., koji je počeo da galami na P. S. i zaprijetio mu da ne ide kod S. i da ga ne dira. Nadalje je izjavio da je on tad stao ispred njih dvojice da bi spriječio svađu, kada ga je odmah šamarom udario taj M., a zatim je on M. uhvatio za lice i odgurnuo ga i tu nastaje tuča između njih dvojice, kada se u jednom momentu M. trčećim korakom udaljava prema ulici Koševo. Osumnjičeni je izjavio da je prilikom te njihove tuče bio prisutan P. S., a pretpostavlja i E.. Naglašava da prilikom tuče nije koristio oružje i da nije nožem nanio povrede tom licu po nadimku M., jer za to nije imao ni potrebe. Osumnjičeni je opisao lice po nadimku M. otprilike njegove visine, mršaviji od njega, otprilike je imao oko 45 godina, imao je plavu kosu ili možda smeđu i da ga poznaje onako iz grada kao problematičnog. Nadalje je izjavio da poznaje P. S., jer su zajedno bili u Domu tj. poznaje ga od malih nogu, često su bili u kontaktu i često ga je posjećivao. Takođe, vezano za nož koji je kod njega nađen prilikom pretresa, naveo je da je to mali nož koji inače nosi sa sobom, koji nema oštricu, već je gore u polukrugu.

Isto tako iz Zapisnika o pretresanju osobe MUP KS, II PU, PS Centar, broj: ... od 15.11.2019. godine, Izvještaja o izvršenom pretresanju lica bez naredbe MUP KS, II PU, PS Centar broj: ... od 15.11.2019. godine, Potvrde o privremenom oduzimanju predmeta MUP KS, II PU, PS Centar, broj: ... od 15.11.2019. godine, Zapisnika o privremenom oduzimanju predmeta MUP KS, II PU, PS Centar, broj: ... od 15.11.2019. godine i Službene zabilješke MUP KS, II PU, OKP Centar, broj: ... od 16.11.2019. godine, proizilazi da je prilikom lišenja slobode osumnjičenog, sada optuženog, H. J. dana 15.11.2019.god. u 23,40 sati kod istog pronađen i privremeno oduzet jedan nož ukupne dužine oko 16 cm i dužine oštrice oko 7 cm sa sivo - bijelom plastičnom drškom i siva dukserica sa natpisom „Las Vegas“ na desnom rukavu i lijevoj strani prsa „Moto Racing-M“ sa tragovima tamno-žute boje koji asociraju na

tragove isprane krvi. Svjedok S. A. je na glavnom pretresu potvrdio da je uposlen u MUP-u KS kao istražitelj, te je u vezi službenih radnji koje je poduzimao povodom kritičnog događaja naveo da je u okviru službene dužnosti upoznat o istom, odnosno da je jedno lice u tom događaju povrijeđeno i da se nalazi u bolnici, jer je zadobio teške tjelesne povrede opasne po život, pa je obzirom da je tog dana bio na dužnosti, izašao na lice mjesta gdje se desio događaj, na području općine Centar. Dalje je potvrdio da su na uviđaju, osim njega i tužioca, bili pristupni krim. tehnika MUP KS, sjeća se da se događaj odigrao u blizini jedne kamp prikolice. Prilikom uviđaja izuzeli su jedan trag crveno smeđe materije koja asocira na krv, a također u prostorijama KUM-a bolnice Koševo izuzeli su više majica na kojim je bilo tragova, najvjerovatnije krvi. Ove majice su konkretno izuzeli od medicinskog radnika, a radilo se o odjeći povrijeđenog lica koji se preziva K.. Svjedok je također naveo da je dolaskom na lice mjesta zatekao policijske službenike policijske stanice Centar koje su obezbjeđivali lice mjesta, te nakon te prve službene radnje - uviđaja, osl su saslušavali svjedoke, među kojima i svjedoka povrijeđenog tj. K., koji je opisao događaj, a obavili su i radnju prepoznavanja u službenim postorijama. Svjedok je potvrdio da im je oštećeni rekao da ga je povrijedio H. J., nakon čega je raspisana potraga tj. poslata depeša svim policijskim stanicama i istog su, koliko se sjeća, pronašli pripadnici policijske stanice Stari Grad, nakon čega je obavljeno prepoznavanje tada osumnjičenog u službenim prostorijama, kada je oštećeni izašao iz bolnice, a također mu je poznato da su kod H. policijski službenici pronašli i oduzeli jedan nož. Nakon što je to lice pronađeno i lišeno slobode predato je dalje dežurnom tužiocu, tužilaštvo je predložilo pritvor i prema istom je pritvor i određen.

Svjedok K. S. je na glavnom pretresu izjavio da je kritičnog dana krenuo do P. S., jer je „on takav, kad je pjan on uvijek galami“, pa je krenuo da ga zamoli da ne galami. U tom momentu je naišao K. E., kojem je rekao da ide do P. S., jer mu opet galamio pred radnjom, zbog mušterija, pa je K. E. rekao: „i ja ću sa tobom“, tako da su obojica krenuli, usput su pričali. P. S. je bio u svojoj kamp prikolici. H. J. je bio s desne strane, a P. S. je bio malo dublje sa lijeve strane gledano prema ulazu. Dok se odvijao razgovor između P. S. i K. E., svjedok se povukao u desnu stranu da zapali cigaretu, vidio je da je K. E. bio naslonjen desnim ramenom na štok, okvir na ulazu kamp prikolice. K. E. je govorio P. S.: „nemoj S., zamisli da neko dođe pred tvoju radnju i da tebi neko galami“, ali nisu se svađali. Dok je palio tu cigaretu svjedok je samo čuo da u jednom momentu K. E. govori: „jesi li to potegao nož na mene?“, a prethodno da je K. E. H. J. rekao: „ti šuti, tebe ništa nisam pitao“. Osim toga, nije bilo nikakve druge prepirke ili psovanja. U momentu kada je čuo kako K. E. govori: „jesi li potegao nož na mene?“, vidio je da izlazi H. J. sa nožem, kojeg je držao u desnoj ruci, okrenutog prema K. E.. Nakon toga, P. S. se stvorio ispred njega, a H. i K. E. su se povukli prema izlazu iz tzv. Koreje, dok je on ostao kod kamp prikolice sa P. S.. Posljednje što je vidio je da je K. E. držao naku letvicu, drvo neko, i poslije toga više nije vidio ništa jer ga je P. S. „zagradio“. J. je išo prema K. E., koji se povlačio i to je sve što je on mogao vidjeti, pa je zamolio P. S. da se skloni i kad sje prošao pored njega, više nikoga nije vidio jer su oni napustili Koreju, tj. taj prolaz gdje se to sve odigralo, u pasažu i na parkingu kod P. S., tj. ispred njegove prikolice. Nakon toga je pokušavao da sazna šta se desilo i drug mu je javio poslije nekog vremena da je K. E. u bolnici i da je zboden

Svjedok S. A. je na glavnom pretresu potvrdio da je uposlen u MUP-u KS kao istražitelj, te je u vezi službenih radnji koje je poduzimao povodom kritičnog događaja

naveo da je u okviru službene dužnosti upoznat o istom, odnosno da je jedno lice u tom događaju povrijeđeno i da se nalazi u bolnici, jer je zadobio teške tjelesne povrede opasne po život, pa je obzirom da je tog dana bio na dužnosti, izašao na lice mjesta gdje se desio događaj, na području općine Centar. Dalje je potvrdio da su na uviđaju, osim njega i tužioca, bili pristupni krim. tehnika MUP KS, sjeća se da se događaj odigrao u blizini jedne kamp prikolice. Prilikom uviđaja izuzeli su jedan trag crveno smeđe materije koja asocira na krv, a također u prostorijama KUM-a bolnice Koševo izuzeli su više majica na kojim je bilo tragova, najvjerovatnije krvi. Ove majice su konkretno izuzeli od medicinskog radnika, a radilo se o odjeći povrijeđenog lica koji se preziva K.. Svjedok je također naveo da je dolaskom na lice mjesta zatekao policijske službenike policijske stanice Centar koje su obezbjeđivali lice mjesta, te nakon te prve službene radnje - uviđaja, osl su saslušavali svjedoke, među kojima i svjedoka povrijeđenog tj. K., koji je opisao događaj, a obavili su i radnju prepoznavanja u službenim postorijama. Svjedok je potvrdio da im je oštećeni rekao da ga je povrijedio H. J., nakon čega je raspisana potraga tj. poslata depeša svim policijskim stanicama i istog su, koliko se sjeća, pronašli pripadnici policijske stanice Stari Grad, nakon čega je obavljeno prepoznavanje tada osumnjičenog u službenim prostorijama, kada je oštećeni izašao iz bolnice, a također mu je poznato da su kod H. policijski službenici pronašli i oduzeli jedan nož. Nakon što je to lice pronađeno i lišeno slobode predato je dalje dežurnom tužiocu, tužilaštvo je predložilo pritvor i prema istom je pritvor i određen.

Iz naprijed interpretiranih i analiziranih dokaza, prevashodno iskaza svjedoka oštećenog K. E., koji je na zapisnik i prepoznao optuženog H. J. kao izvršioca, te svjedoka K. S. i P. S., te ostalih dokaza dostavljenih uz optužnicu, koji su sadržajno izloženi i analizirani u onoj mjeri koja je potrebna za donošenje odluke o krivici optuženoh, dokazano je da je optuženi H. J. kritične prilike ispred kamp kućice, nakon kraće verbalne prepirke sa K. E., istom ubodom nožem nanio tjelesnu povredu u predjelu grudnog koša sa lijeve strane, zbog čega je isti bio primljen u KUM kao hitan slučaj sa teškim tjelesnim povredama opasnim po život i hospitalizovan, na koji način je počinio krivično djelo ubistvo u pokušaju iz člana 166. stav 1. KZ F BiH u vezi člana 28. istog Zakona.

Preduzete radnje optuženog ukazuju da je navedeno djelo počinio sa direktnim umišljajem odnosno da je bio svjestan svoga djela i htio njegovo izvršenje, na koji zaključak ukazuju okolnosti, priroda i način izvršenja krivičnog djela, konkretno da je kritične prilike optuženi, bez ikakvog razloga i povoda prišao oštećenom K. E. i ubo ga nožem u predjelu prsa odnosno u dio tijela gdje se nalaze vitalni organi, te mu ponovo prišao i pokušalo ga ponovo zbosti, ali je oštećeni njegove pokušaje eskivirao, kako to proizilazi iz naprijed navedenog iskaza svjedoka oštećenog.

Prilikom razmatranja predložene krivičnopravne sankcije, sud je imao u vidu osnovne kriterije, a to su granice kazne propisane za krivično djelo, svrhu kažnjavanja, te okolnosti koje karakterišu počinjeno krivično djelo i učinioca (olakšavajuće i otežavajuće okolnosti), i to: stepen krivice, pobude iz kojih je djelo učinjeno, jačina ugrožavanja ili povrede zaštićenog dobra, okolnosti pod kojima je djelo učinjeno, raniji život učinioca, njihove osobne prilike i njihovo držanje nakon učinjenog krivičnog djela, kao i druge okolnosti koje se odnose na učinioce (iz člana 49. KZ F BiH).

Shodno navedenim kriterijima, sud je kao olakšavajuće okolnosti na strani optuženog prije svega cijenio njegovo priznanje kroz sklapanje sporazuma, čime je optuženi doprinio ekonomičnosti i efikasnosti postupka, posebno imajući u vidu da je to učinio na početku glavnog pretresa, pa sud cijeni da je ovakvim postupanjem optuženi izrazio kajanje zbog počinjenog krivičnog djela, što samo po sebi ukazuje da je potreba za kažnjavanjem smanjena.

Od otežavajućih okolnosti sud nalazi da je optuženi povratnik u vršenju krivičnih djela, kako to proizilazi iz Izvoda iz kaznene evidencije MUP KS broj 02/3-2-H-03/19 od 16.11.2019. godine proizilazi da je H. J. ranije osuđivan: Dakle, radi se o višestruko osuđivanom licu (čak petnaest puta osuđivan), za različita i raznovrsna krivična djela, iz čega vijeće zaključuje da dosadašnje osude, pa i na kaznu zatvora, nisu uticale na optuženog H. J. da više ne čini krivična djela i potakle njegovo prevaspitanje. Pri tome, optuženi je ranije osuđivan za krivična djela sa elementima fizičkog nasilja koja podrazumijevaju upotrebu sile protiv neke osobe ili prijetnju da će izravno napasti na njezin život ili organ i za krivična djela koja je izvršavao na naročito opasan ili naročito drzak način. Dakle, iz naprijed navedenog proizilazi da se radi o osobi koja je sklona izvršenju različitih krivičnih djela za koja je osuđivan u kontinuitetu, kroz duži vremenski period, od 2002. godine na ovamo.

Na osnovu svega navedenog, imajući u vidu naprijed navedene otežavajuće i olakšavajuće okolnosti, sud je zaključio da se sa izrečenom sankcijom u cjelosti postiže svrha kako specijalne tako i generalne prevencije.

Na osnovu odredbe člana 57. KZ-a F BiH optuženom H. J. će se u izrečenu kaznu zatvora uračunati vrijeme provedeno u pritvoru počev od dana 15.11.2019. godine do upućivanja na izdržavanje kazne.

Na osnovu odredbe člana 78. Krivičnog Zakona Federacije Bosne i Hercegovine, optuženom H. J. se izriče sigurnosna mjera oduzimanja predmeta i to nož oduzet Potvrdom o privremenom oduzimanju predmeta MUP KS, Druga PU, PS Centar broj: 02/9-1-318/19 od 15.11.2019.godine.

Na osnovu odredbe člana 212. stav 3. ZKP-a F BiH oštećeni K. E. se sa imovinskopравnim zahtjevom upućuju na parnicu.

Na osnovu odredbi člana 202. stav 4. ZKP F BiH optuženi H. J. se oslobađa obaveze naknade troškova krivičnog postupka i isti padaju na teret budžetskih sredstava suda.

ZAPISNIČAR

Anela Nuhanović

PREDSJEDNIK VIJEĆA

Sudija

Igor Todorović

POUKA: Protiv ove presude dozvoljena je žalba Vrhovnom sudu FBiH u roku od 15 dana od dana prijema iste, koja se podnosi putem ovog suda u dovoljnom broju primjeraka za sud i suprotnu stranku, nije dozvoljena žalba na odluku o izrečenoj krivično pravnoj sankciji.